



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<<31>> Մայիս 2022թ.

Ո Ր Ո Շ ՈՒ Մ No. 3554-1 Ա

ՎԱՐՉԱԿԱՆ ԱԿՏՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Տիգրան Ռաֆայելի Խաչատրյանի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտանատար անձի կողմից կազմվող թիվ 24985/2021/ԿՈՒՎԿ/Ա արձանագրության՝ ֆիզիկական անձ Տիգրան Ռաֆայելի Խաչատրյանի (<ՎՀՀ՝57370917, ՀԾՀ՝2709820526, հասցե՝ Շիրակի մարզ, ք. Գյումրի, Շիրակացու փ. 175-6) չկատարված հարկային պարտավորությունը 07.06.2021 թվականի դրությամբ կազմել է 337.908 դրամ, որից հարկ՝ 290.000 դրամ, տույժ՝ 47.908 դրամ, որն առաջացել է ֆիզիկական անձի կողմից 2020թ. ընթացքում սեփականություն հանդիսացող թեթև մարդատար ավտոմեքենայի օտարման գործարքի արդյունքում և ՀՀ հարկային օրենսգրքի (այսուհետ՝ Օրենսգրքի) 401-րդ հոդվածի համաձայն հաշվարկված տույժերից:

Համաձայն ՀՀ ոստիկանության <<Ճանապարհային ոստիկանություն>> ծառայության կողմից ստացված օտարված տրանսպորտային միջոցների վերաբերյալ տեղեկությունների ֆիզիկական անձի կողմից 13.07.2019թ. օտարվել է 13.04.2019թ. ձեռք բերված NISSAN MAXIMA 3.5 մոդելի 2010թ. արտադրության 290 ձիաուժ հզորությամբ տրանսպորտային միջոցը, որը համաձայն Օրենսգրքի 147-րդ հոդվածի 1-ին մասի 16-րդ կետի /մինչև 29.06.2019թ. գործող խմբագրությամբ/ համարվում է եկամտային հարկով հարկվող գործարք: Օրենսգրքի 140-րդ հոդվածի համաձայն ֆիզիկական անձը հանդիսանում է եկամտային հարկ վճարող: ՀՀ հարկային օրենսգրքի 150 հոդվածի 1-ին մասի 10-րդ կետի համաձայն (ուժի մեջ է 29.06.2019թ.-ից) 2018 թվականի հուլիսի 1-ից հետո ավտոմեքենայի օտարման գործարքների մասով եկամտային հարկը հաշվարկվում է 1 տոկոս դրույքաչափով, բայց ոչ պակաս, քան ձեռնարկատիրական գործունեության առարկա համարվող գույքի շարժիչի յուրաքանչյուր ձիաուժ հզորության համար 150 դրամից: Օրենսգրքի 147-րդ հոդվածի <<բ>> ենթակետի համաձայն՝ 29.06.2019թ.-ից գործող խմբագրությամբ ձեռնարկատիրական գործունեության առարկա համարվող գույքի օտարում է համարվում ավտոմեքենայի օտարումը, եթե ավտոմեքենան օտարվում է ձեռք բերելուց հետո՝ 365 օրվա ընթացքում:

Վերոնշյալ պարտավորությունը գանձելու վերաբերյալ 27.12.2021 թվականին կայացվել է թիվ 3554-Ա որոշումը:

Հաշվի առնելով այն հանգամանքը, որ չկատարված հարկային պարտավորությունը գանձելու վերաբերյալ որոշումը կայացնելուց հետո ֆիզիկական անձի կողմից 07.01.2022թ. ներկայացվել է համապատասխան հաշվարկը, ուստի առկա են բավարար հիմքեր հարկային պարտավորությունների հաշվարկման վերաբերյալ տեղեկանքի հիման վրա կայացված թիվ 3554-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 66-րդ հոդվածի 2-րդ մասով

ՈՐՈՇԵՑԻ

Ֆիզիկական անձ Տիգրան Ռաֆայելի Խաչատրյանի վերաբերյալ ՀՀ ՊԵԿ իրավաբանական վարչության պետի կողմից 27.12.2021 թվականին կայացված չկատարված հարկային պարտավորությունները գանձելու մասին թիվ 3554-Ա որոշումը ճանաչել ուժը կորցրած:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Կատ.' ԻՎ ՀԳ և ՊԿԱ բաժնի
գլխավոր մասնագետ Հակոբ Հակոբյան
Հեռ. 010309191 /91-71/



ԱՐՄԱՆ ՄԱՅԱԿԱՆՅԱՆ